



KETUA PENGARAH PENDIDIKAN MALAYSIA
Director General of Education Malaysia
ARAS 8, BLOK E8
Level 8, Block E8
KOMPLEKS KERAJAAN PARCEL E
Government Complex Parcel E
PUSAT PENTADBIRAN KERAJAAN PERSEKUTUAN
Federal Government Administrative Centre
62604 PUTRAJAYA

Tel: 03-8884 6077
Faks: 03-8889 4548
Laman Web: www.moe.gov.my

Ruj. Kami : KPM.100-1/3/2 Jld. 9(53)
Tarikh : 21 Ogos 2024

Semua Ketua Bahagian
Semua Pengarah Pendidikan Negeri

YBhg. Datuk/Dato'/Datu/Dr./Tuan/Puan,

**PERINGATAN PEMATUHAN TERHADAP SURAT PEKELILING IKHTISAS
KEMENTERIAN PENDIDIKAN MALAYSIA BILANGAN 3 TAHUN 2018 : PANDUAN
PENYALURAN DAN PENERIMAAN SUMBANGAN DARIPADA SEKTOR SWASTA
DAN BUKAN SWASTA KEPADA SEKOLAH KERAJAAN DAN SEKOLAH
BANTUAN KERAJAAN KEMENTERIAN PENDIDIKAN MALAYSIA**

Dengan segala hormatnya saya merujuk perkara di atas.

2. Kementerian Pendidikan Malaysia (KPM) sentiasa menggalakkan pihak sekolah melaksanakan pelbagai program pembangunan pendidikan dengan melibatkan pihak luar termasuk pihak swasta seiring dengan dasar Sekolah Milik Masyarakat (SMM). KPM juga bertanggungjawab mendidik pengamalan nilai-nilai murni dalam kalangan murid dan melindungi kebajikan dan keselamatan mereka daripada segala bentuk pengaruh negatif.
3. Kementerian ini telah mengeluarkan Surat Pekeliling Ikhtisas Kementerian Pendidikan Malaysia Bilangan 3 Tahun 2018 : Panduan Penyaluran dan Penerimaan Sumbangan daripada Sektor Swasta dan Bukan Swasta kepada Sekolah Kerajaan dan Sekolah Bantuan Kerajaan Kementerian Pendidikan Malaysia bertarikh 29 Mac 2018. Surat pekeling ikhtisas (SPI) tersebut menyediakan tatacara penyaluran, penerimaan dan pengurusan sumbangan daripada masyarakat termasuk pihak swasta kepada sekolah kerajaan dan sekolah bantuan kerajaan KPM. SPI ini turut melampirkan Garis Panduan Pelaksanaan Sekolah Milik Masyarakat, Garis Panduan Pelibatan Sektor Swasta dan Garis Panduan Penjana Dana Masyarakat atau *Crowdfunding* untuk rujukan semua pihak yang berkepentingan.

4. Mesyuarat Pengurusan Tertinggi Kementerian Pendidikan Malaysia Bilangan 11 Tahun 2024 bertarikh 24 Julai 2024 memutuskan supaya pengetua dan guru besar lebih sensitif terhadap penggunaan logo dan pihak luar yang menyampaikan sumbangan kepada sekolah masing-masing. Pengetua dan guru besar hendaklah mematuhi peraturan dan prosedur yang ditetapkan dalam SPI berkenaan.

5. Sehubungan dengan itu, YBhg. Datuk/Dato'/Datu/Dr./tuan/puan diminta untuk membuat peringatan kepada pengetua dan guru besar bawah pentadbiran YBhg. Datuk/Dato'/tuan/puan supaya mematuhi tatacara pelibatan dan sumbangan pihak luar berdasarkan peraturan yang sedang berkuatkuasa.


Kerjasama dan keprihatinan YBhg. Datuk/Dato'/Datu/Dr./tuan/puan terhadap perkara ini sangat dihargai.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,



(HAJI AZMAN BIN HAJI ADNAN)

- s.k.
1. YB Menteri Pendidikan
Kementerian Pendidikan Malaysia
 2. YB Timbalan Menteri Pendidikan
Kementerian Pendidikan Malaysia
 3. Ketua Setiausaha
Kementerian Pendidikan Malaysia
 4. Semua Timbalan Ketua Setiausaha
Kementerian Pendidikan Malaysia

KPM.100-1/3/2 Jld. 9(53)

5. Semua Timbalan Ketua Pengarah Pendidikan Malaysia
Kementerian Pendidikan Malaysia
6. Penasihat Undang-Undang
Kementerian Pendidikan Malaysia

/KPP/UPDP2/Ogos/2024